

祁縣志卷十四

祁縣知縣陳

時編輯

藝文五

墓誌

明

高士閣師賢墓誌銘

彭 範 叅政

三晉間有高士閣公者識與不識皆稱爲認菴云余官茲土方圖登堂而公已矣恨未有以識面也公嗣子長安君持靜寧半刺陳君時道狀以誌銘屬余夫長安君者與余同舉進士仕於長安令故云按狀公諱師賢字

祁縣志

卷十四

藝文

一

齊之別號認菴世爲太原祁人曾大父棟不仕大父威爲上海稅務大使贈文林郎永清縣知縣父睿由進士起家歷任浙江按察司副使母劉氏封孺人於弘治五年十月十七日生公兄弟五人公爲憲副仲子少負才名童時卽豪邁不羈弱冠從宦錢塘受毛詩於王君箴與莆田吳凌仁和胡昱相友善數子皆名士咸以公公輔期之已補邑萍增廣眞潛心理道遂厥科舉之學浩然辭博士就所居會善里奉二親甘旨惟謹二親皆喜公孝與兄弟處怡怡相得至老無閱牆之嫌性好施里



中有急輒罄囊周之不責其償以故生計亦涼甘分茹  
淡終日歛膝危坐晏如也壬辰憲副劉孺人相繼卽世  
哀毀踰制治喪一準文公家禮不效土風作佛事裏事  
鄉俗化之服除構室城北村庄雜植花卉左圖右史日  
坐其中集田夫野老爲講史鑑品藻古今人物相與上  
下其議論父老咸環坐觀聽呼僮酌鉅觥酬歌詠移時  
靡倦常誦人生得意須盡歡莫把金樽空對月之句掀  
髯長嘯譔然自得塵視軒冕睥睨一世負用世之才甘  
恬退之樂於乎公真當獨行之士也然氣歸不能下人

與鄉大夫絕不往來至于鄉人則又油油親附各得其  
歡心家庭義方之訓凜凜子若孫侍立終田耒嘗見有  
怠容遣長安君從太原大儒李君約受三禮盡得其傳  
嘉靖癸卯領山西鄉薦舉丁未進士授長安令公不之  
官署但以持已撫民戒行故長安君恪守公訓不祇奉  
上官卒以此搆誣解任公亦不恙惟徜徉山水雅歌投  
壺時人莫窺其際蓋公生有至性習俗所不能染身有  
真樂功名所不能移固太原之鍾氣而黨燕之儔匹也  
嗟夫今之不仕進者孰不曰高士或咨肆任達遺落世



事或交遊有位依其勢利若是者雖不仕奚足賢乎然則孝弟慈信家鄉靡間有如公者凡幾人耶今年首夏偶病水腫五月初九日卽不起壽六十有八配陳氏大谷憲副陳公璧女有婦德人稱賢母生子繩芳卽長安君娶武氏有孫男三日詔曰談皆邑庠生詔娶張氏談娶陳氏棠棣聯輝可科第望增啟閭氏之閭者曰誥聘許氏曾孫男三嗣龍嗣夔嗣愷孫女二長適庠生呂鈇幼許字范尚緒曾孫女一長安君將以是年七月二十七日葬公於先壙之次誌而銘之禮也銘曰士不得位祁縣志

卷十四

藝文

三

直隸大名府通判戴寶墓誌銘

張四維

少傳

給諫戴君光啟之奉詔西行邊也其父堯川公蓋耄壽在堂過里中省焉比報命遂載公來京師給諫以譴正當上意晉掌兵垣已復同考會試公喜見其子之達而安其孝養愉愉如也居無何公疾作思歸給諫亟以請請扶侍西還道次中山公卒給諫既扶柩抵里乃



水部憲狀公世行而爲書祈余銘詞甚哀余不忍辭按  
狀公諱賓字汝敬別號堯川姓戴氏其先代州人也明  
初有自代來占籍於祁者世遂爲祁人曾祖子文祖緣  
父公禮有材諳辟爲縣掾史以文無害見稱諸掾間性  
喜儒嘗以不獲經術起家自恨取程媪生公穎敏有異  
質父大喜命之儒垂髫卽能文弱冠補縣諸生下帷自  
奮無間寒暑視學使者異其文每試必高等簡入河汾  
書院業益進年甫二十四以選貢入胄監當是時文名  
藉甚人咸以高第擬公顧以數奇無慮十上有司竟不

祁縣志

卷十四

藝文

四

一遇旣年踰強仕承父命謁選銓部授大名府通判監  
理宣府南路糧餉宣鎮列屯戍而仰芻粟者以鉅萬數  
買人爲間利其間往往潛行賂理餉左右公至則正色  
持法蒞之倉塲肅然嘗攝守蔚州會敵入諸城守具未  
備而赤白囊交至公爲部署保伍飭器械集糗糗應之  
甚整暇州人恃以無恐俄而援兵四集士馬有饑色公  
一夕爲具煨炒子斛給軍其幹局敏贍若此公當官執  
法不撓而惓惓以潔已愛人爲務甚得軍民和大吏將  
薦之朝乃復索賄公所公曰吾清貧守一官黽勉自效



亦冀樹尺寸報國耳今若此將安應之不去且有悔乃  
白於父飄然解綬歸歸而邱井依然偕二三朋舊逍遙  
爲詩酒社者且三十年有餘適也公生平事親至孝務  
先意承其懽遇兄弟族黨情愛肫肫然諸婚喪未舉者  
輒捐貲爲代辦與人交坦夷無崖岸見片長稱之不容  
口赴人之危急之甚於已其自奉又甚約故鄉間間人  
人德公無間識與不識咸欽慕之以父雅意好儒闢塾  
躬訓孜孜冀以經術成先志今給諫業已榮顯其餘子  
若孫類能率其家學斌斌然稱儒裔也盛矣公以正德

己巳五月十四日生萬歷庚辰四月四日卒壽七十有  
二配許氏先公三十八年卒繼配許氏先公二十年卒  
俱有闡德給諫邁兩宮徽號詔恩進公階承德郎贈二  
許皆安人公凡四子三女先安人舉子光政娶申氏繼  
趙氏光教庠生娶許氏光啟辛未進士今兵科都給事  
中娶程氏封孺人女適許九州後安人舉子光肇庠生  
娶胡氏女適許可教馬應魁孫男八人禋社祚祐俱庠  
生祐禔禕禱孫女三人曾孫男四君知君邁君賜君用  
曾孫女一給諫兄弟卜以本年十月二十四日葬公於



城東南十五里之新阡奉二安人之柩而合祔焉禮也  
銘曰孰是明經而靡遂其名孰是好修而弗究其行貽  
慶式毅濟濟滿庭亦既享厥成壽康以榮茲惟德之程  
有鬱佳城旣固且寧永世成信視此刻銘

工部郎中李憲暨配墓誌銘

戴光啟 邑人

龍山李公余嘗與之同官京邸出入相友如在里閭時  
比卸政又相與訂盟結社徜徉詩酒一切城府都置不  
問庶幾托言莫逆公旣沒余與二三老友哭扼示信嗚  
呼荏苒於茲已三易冰暑矣其子李自知輩卜以今年

祁縣志

卷十四 藝文

六

九月二十八日厝葬縣東新兆與其配王氏董氏呂氏  
合焉持狀請余銘余黥然久之若有不忍爲公銘者翻  
思先民有言一死一生乃見交情余固不文不銘奚以  
見情按狀李氏先隴西人唐末遊宦太原不返僑寓東  
崗洪武初名繼先者遷於祁占籍世廂坊十里遂爲祁  
人繼先傳彬彬生有道有道生鳳於公爲曾祖鳳生子  
瞻子瞻生鑰田趙簡子故里外託什一以遊而內操儒  
行樂善循理嘗不攘逋戶產設粥濟飢配武氏卒繼韓  
氏生公名憲字樂天別號龍山初娶王氏繼董氏呂氏



公生而穎朗甫七歲就里中傳迨十二歲從學於伯兄長安丞恕晚返燈下誦讀或無油然藟尖照之垂髻文辭雅致督學使者奇其材署爲學官弟子員久之聲藉甚每校文輒置高等直指吳公尤器重之曳青矜從遊者錯履戶外方業成將售於有司忽丁父艱母氏孀居恐爲生計廢學兼理耕織拮据萬狀公曲盡孝養出門數四步必告所之不數年韓亦卒於是痛思先訓績學益力歲戊午以詩列賢書然猶欲然自視藏修不輟十年一燈熒熒風雨不滅也戊辰登進士廷試悉邊務甚

爲主司稱賞旣而觀兵部政適西北屢警偏老墩墻頽圯屬公齎帑金往修緝之己巳授行人司行人壬申陞司副會今上登極覃恩贈乃父如公官韓及王呂爲孺人奉使齊藩便道旋里一時人士咸爲榮之甲戌陞司正前後居使署七年四奉君命所在皆嚴取予裁供役采觀風尚盡忠納獻其平居不苟言笑及居官則侃侃直言朝廷以爲雅稱使職丙子陞工部都水清吏司郎中奉勅督理通惠及天津一帶河道兼理倉厰等務舊分司蕪陋不足容公捐俸修之建雙坊對峙日仰戴堯



天曰纘承禹績蓋以禹在帝世平成泰績而今若希其明德而以治水焉者也仍起黥樓浚井泉砌墉於灣廠儲水所以障水衝繫石橋於北門以利往來京師徒輿緝竹木局以便儲材雖多所營造而磚石取諸碎餘力役用其間從署廠改觀了無傷害又以新法圍商量木過嚴價給不時殊爲商困乃詳陳疾苦於上以償其貲且自懲胥徒躬携饗殮杜寺人之需索却饋遺之常例商集材廣庶績咸熙通人多樹石紀其盛而通以南千餘里轉輸不留國脉不涸皆其力也大司空郭公註考

滿有體國本於忠誠河間之衆工悉舉立身慎於防檢出納之纖弊必除之語戊寅復值慶典加恩父母及妻如制當是時公年六十餘矣宦邸嘗中痰火又不喜曲奉貴人庚辰陞兩淮都轉運鹽使司同知遂請告而歸公以久宦茹蘖積俸饒裕於是置睦族所先濟族之貧者以及隣里鄉黨之遭凶荒者仍捨城西上地二十餘畝爲義塚南澗築石樓樹花木樓中有琴有棋有酒而附以有山有月等名九有樓下山環水遶雲影天光拍手狂歌興溢海外題聯其上曰愛道肯干違道譽思君



高起望君樓邑牧張公等見曰樂天之誠憂世之志兩得之矣癸未冬尋卜子夏真跡於西河遊天龍洞以天龍二字與已字號合掀髯而笑曰今而後謂我爲洞中人可也及明年西遊華嶽東遊岱宗仗策騎驢遨遊勝地起甲申迄癸巳十餘年名山大川無不遊歷其豪逸放達類如此公信實剛毅人有失面折之或屢爲僂巧所誑人得其利已當其失亦亡攸責其欺也生平不絢美不喜甘脆綺麗之供家常食飲見多味必半撤去常衣即累經澣緞弗棄去不乘輿田冠野服混迹穉人中

見者或以老叟相呼初不知其爲大夫云極嗜學每發憤至忘寢食與人論討講一章書通及數十章津津貫穿灼見至旨無論立談坐語常竟昕夕不倦晚年益究理學好讀周易及明道先生定性書書於屏几居安樂玩彌久彌篤有絕韋遺意最不喜象山等語錄以爲禪學不宜附真儒而訂學部通辨明禪學顛狂之失示吾儒正學之的付剗劖以廣其傳曰道在是矣所著講說時義及古文辭有大學訓旨洗心臺文稿竊言俱不存宜人王聰慧真淑閑於內則上奉宗廟舅姑下御疏戚



僕從慈敬之聲聞外內如一莖蚤嬪儒門克修婦德呂  
節儉持身善相夫子事孀姑韓宜人奉養不少怠尤長  
子治家人產亦以勤孝聞公正德庚辰年十月初二日  
生萬歷甲午年正月二十二日卒享年七十有五男二  
長自知監生娶武氏次自問岸生娶趙氏繼娶羅氏桑  
氏女一適邑庠生馬化麟孫男二長而淳廩生娶武氏  
次而洵庠生娶許氏曾孫男四女一皆幼公登跡衡門  
奮身甲第自少自壯多遭窘厄而志趣超越動以天下  
事爲己任膚功可奏華要可躋期願可待乃以朴畧生  
往往不諧衆口官止同都轉使壽未彌八紀使冲霄宏  
抱竟齋以沒天之所以靳公者何其忍哉雖然得全全  
昌或必有陰隲于幽泉厚報於繼世者銘曰人皆有死  
誰當樂只相彼展也君子幹國勤家焦勞莫齒有美之  
良並名野史百千餘年貞珉在此

河南右布政戴光啟墓志銘

李維禎

京山

余分守大梁時祁戴公自西夏憲使遷右丞以邊事棘  
未卽上余攝之久而公至相得如平生歡無何有流言  
公遽行余復攝所司清戎督賦兩事公興革利弊悉當



情法守而勿失越十六年余承乏晉藩臬使人存問公愧不能式廬大比士得仲子文度取高第而不果今甫以明經待詔公車也而公卒且十二年會余友尹于皇為祁令才仲子體貌有加仲子介之以李中丞所為公狀請墓誌曰此先人治命也先生其無辭余知公稔按狀言無溢美采而志之如左公名光啟字仲升先世自代徙祁者曰成忠四傳子文子文子緣緣子公禮公禮生公父賓以大名別駕晉階奉訓大夫祠鄉賢詳張文毅公誌中母許安人三子公為季生而敏悟覽書輒誦

祁縣志

卷十四

藝文

十一

屬文立就父喜是必大吾門矣喪母哭泣擗踊見者憐之弱冠補邑諸生試屢冠首從楊郭二先生學郝寒暑雨不輟功甲子舉于鄉辛未成進士敵新附廷議除甲科任邊寄者授會寧令削一切苛政省費寬徭以羨金供傳置不煩民流移復所詔履畝均田如額而止不加賦始築東關城什伍守望相助禽隣邑盜魁邑桃花山盜藪聞風遠遁曲周王司馬閱邊薦其才可大授也居四年會寧人有神明之日或以其名止兒啼生為立祠名拜工科給事中知無不言則有請以臬憲攝馬政請



給厥庫闕防之疏已進禮科右刑科左兵科都給事中  
則有明詔旨議撫臣修闕刑條例格太監用管馬之疏  
論誠意伯劉世延多行不義倏廢倏復且謝且辯言謝  
則不得辯言辯則不得謝因辯以謝謝不誠假謝以辯  
辯不信疏未卽下人爲公危上知公言忠世延受罰計  
吏有大班糾劾例公聲吐宏暢上問爲誰左右以名對  
上稱善侍經筵目屬之持節封永和王隨奉命閱陝以  
西三邊悉心區畫所條八事甚爲江陵相所知同考會  
試申文定亟稱其知人以父喪歸服除除刑科序遷河

南叅政分守河北百度維貞八攝藩臬諸策應之裕如  
歲凶民饑設方畧以賑全活鉅萬潞府工興計工出值  
令民自應募間閭無擾晉西陝觀察使備兵西夏西夏  
三面控敵餉諸士呼庚癸酌盈濟虛師有宿飽督府梅  
公一切倚辦公敵忽要賞停市咨公三策不市而去市  
而後去不與市不去知彼知己當在中策果如所料守  
備某幾敗市事亟從與大將軍鼓行而前敵辟走家丁  
以汰浮食歸怨於其鄉大夫將木運以嘗撫臣公名而  
論之餉不敷吾責也餉外吾何可過予女曹不畏吾劾



耶皆頭搶地謝而退簡師庀賦屹然國家干城忌者誣  
公取江陵子爲行媼許文穆獨明其不與江陵昵其爲  
令入秦關錄春秋士六人皆一時選也誣者遂寢稱遷  
河南而修卻者復喚台臣抨公曩事或謂公曷自理曰  
吾不能與衆同塵內省不疚何容辯辯欲何爲遂歸構  
適自園於宅東偏日與所善游讌觴詠間爲詩及小詞  
俱清綺有致又采彤家言葺學宮立書院建文昌閣祁  
文人以故日盛自卜兆城南四十里之壽庄往來其間  
徙先人墓穴與庄相望寄岷岵之恩雖畎畝不忘君聞

祁縣志

卷十四

藝文

三

朝事若西夏變日喟拜以逆子故迫而成其人可一檄  
定也倭易與耳用購固非而勞師動衆大損國威况我  
兵實徧朝鮮而處侵攘驛驛夫何以得外夷心其成筭  
類此素無病哭伯子過哀遂病逝矣是日尚以臣事君  
忠時執誦之云公貌頎偉美鬚髯望之甚莊而就之甚  
溫瞻知過人而深中隱厚先世督亢田讓之伯氏親族  
衣食婚嫁不給者取資如寄歲輯茅施義漿以安行旅  
疾惡如風事已卽消加之橫逆了不爲意不謁公府不  
赴賓筵民所疾苦直言無諱教諸子以樽節退讓守終



惇固母情行真真仲子多文爲富動不踰閑晉人稱公  
有子矣公卒萬歷四十有一年十有二月初十日距生  
嘉靖十有八年六月二十有六日年七十有五祁尹以  
輿論祀公鄉賢配程孺人貢生天喜女子三長濬昌縣  
學生娶祭酒閻公樸孫女先一年卒次運昌卽仲子娶  
淳化尹郭公儒孫女次沛昌太學生娶御史陳公功女  
繼權氏三老三省女女一適京兆田公疇子太學生慶  
年孫男六廷柟縣學生娶陳太學生心鑑女廷梅娶渠  
三老通落女俱濬昌出廷桓邑庠生娶任三老世廉女

祁縣志

卷十四

藝文

十四

廷棻俱運昌出廷柟廷柟俱沛昌出孫女三一適前陳  
心鑑子庠生奏堂一適寧化府儀賓程知務子振奇沛  
昌出也一幼運昌出也以四十有三年十月十七日葬  
自卜之新阡銘曰

官守言責分殊而盡職同秉憲詰兵事殊而奏績同三  
秦兩河人殊而頌聲同名宦鄉賢地殊而奉祀同外臣  
方伯位崇踰老以天年終子孫箕裘冶弓金石文在坎  
中公也明神罔恫

四川真安知州李自問暨配墓誌銘黃景昉

內閣



余觀余友文集所傳王右丞墨蹟異之云右丞故祁縣人蹟藏元篋中至萬歷某年始著邑潛江令李公深加寶惜手摹勒播之歌詠余意李公特嗜古雅流用以藻飾吏治耳已乃知其儒者故潛精性命學晉人所爲稱鳴六先生也公諱自問字無言其先自太原徙祁高王父子瞻有潛德生鑰鑰生憲登隆慶戊辰進士官工部以文章氣節重贈鎗如其官公工部卿子也幼端敏善文爲父友館閣諸公所器以高才生受餼隸河汾書院靡敢齒易之者先後學使者試屢前名在傳司成新德

祁縣志

卷十四

藝文

五

李少司馬成名伯仲間公意顧邑邑不自得曰學止是乎儒更有向上一著會聞江右余公宗濬倡姚江學悅之公之於靜專淵篤其天性也生平視世味漠如旣聞道痛自刻厲嘗冬夏却爐扇三年凡先賢語錄近儒宗旨概能撮其精微以至律歷河渠屯政邊防諸大政亦多所參攷慨然曰學在是矣致知非內格物非外時時提起念念放下大都本主敬入門徐質之河津復性江門主靜姚江良知豐城止修之解罔弗合者己酉舉於鄉主文曹公珍最加賞識壬戌著臨晉論復與渭南史



公記事往還商推士服其教歲連登科第數人直詣上  
特以理學名儒薦然當事落落鮮知者授楚潛江令其  
其好也勉之任詢民疾苦爲修築堤塍無筭按冊稽賦  
躬清出匿田三萬充藩府贖租之額民賴安堵時有聽  
斷溫顏開諭之而已三載政成擢守蜀真安州念工部  
公業得綸贈遂決意歸綜公生平初以才士名終用循  
吏著俛焉孳孳乃惟以學問一大事未明爲恐有所師  
友皆海內名流著述甚博余生幸與公同時南北阻遠  
不獲一把臂交余之於斯道也終夢夢焉已矣公居父

祁縣志

卷十四

藝文

六

母喪如禮恭厥兄撫孤侄厚垂老不識等斛施人忘報  
望而知爲醇龐遇大利害稜稜必伸其志素與昆陵繆  
公昌期友善方璫禍熾諸君子危僅旦夕公正色曰一  
時邪焰有盡千秋清議難泯人定勝天終有見睨之期  
其卓識不撓如此識者又知公涵負遠也公生隆慶四  
年正月初一日子時卒於崇正十年六月十四日卯時  
享年六十有八元配趙氏繼羅氏桑氏俱贈孀人桑爲  
少叅仰齋公孫女佐公學舉案靜肅事姑孝所視自賓  
朋姻鄙暨僕御輩咸有恩禮子女皆桑出又繼母氏侍



公宦遊賴其力男二長而淳選貢生娶延慶知州武惟謙孫女次而洵丙子舉人娶西鄉知縣許台僞女繼閻萃謨女女二長適平涼同知吳戴光男用極戊午舉人次適兵部右侍郎鄭宗周男立忠庠生孫男四長人文庠生娶光祿寺署丞母吝女繼渠通雒女次人吉庠生聘廩生閻玠女次人善聘國子生張士奇女淳出人杰庠生聘尉氏知縣戴運昌孫女洵出孫女二一適廩生溫而理子且惠淳出一字徽州知府頡鵬子某洵出曾孫男一人文出四孺人同耐公葬縣南之新阡屈指公

祁縣志

卷十四

藝文

七

曩昔交遊盡矣卽友夏亦前沒銘謬屬余銘曰公舊隱姑射山房其誠子云當虧人及人虧時心神孰康當勝人及人勝時精力孰強當人知及人不知時意味孰長旨哉老虛靜易微滄滄涼涼夫烏知濂雒闕閩之派之適在晉陽條山東去河水西望有四青烏離哉是爲古儒者之藏爾後允臧

明延慶知州武公惟謙墓誌銘

李成名

侍郎

公諱惟謙字德光別號契元祁人先世詳行狀中公父尚時有隱德嘉靖末客于清豐蛻化彼地遂占籍焉公



於萬歷辛巳補清豐弟子員每考輒優叙時知名士若  
朱公冠張公養正同公誦讀尊經閣下不爐不扇者數  
稔廣文李君扁曰三鳳巢嗣是朱張成進士公亦乙酉  
中式北闈越明年偶以查籍仍以弟子員屬祁已巳按  
於羣國士中乙巳筮仕爲懷慶倅善政種種具人心腑  
間庚戌擢延慶知州隣徼外戍卒與民雜處公百法調  
停惠威並樹人至今稱之蓋公才智敏練饒有精力雖  
鞅轡藤茸迎刃立解居恒自奉極約而急人之急如赴  
水火人品心術王彥方一流人也癸丑以計典解歸曰

祁縣志

卷十四

藝文

六

偕姻友暢飲風流調咲愈老不衰庶幾其孔北海乎兩  
孫承訓文譽藉甚行將聯翩濟姜爲奕葉之光焉公以  
嘉靖三十一年四月十三日生天啟四年二月初二日  
卒壽七十有三配陳繼段納李男一緯庠生娶何繼渠  
女一適清豐韓生春孫男三之麟庠生娶許之鳳庠生  
娶孟繼渠之英幼孫女一適李生而淳曾孫男一而文  
娶戴曾孫女二一適原一幼將以某日葬公于白圭之  
原先期介孝廉吳君狀丐銘余旣不獲辭誌曰天人之  
際其不可知者耶以公世澤厚德宜致臚仕以慶子延



而十載勞人厥施未竟君子惜焉夫天之于人不急啟其藏若闕若惜聽伊自致乃大發之以定其祥此羸縮之凡人莫知者也公兩被踐踞夷喪坦坦不自極于窮夫隱享天心克完其懿者與銘曰孰躋其名而卒克豐孰敷其庸而俾不終謂異者人天實攸同第第有中惟公之逢後嗣其興公藏永隆

大方伯戴公合葬碑銘

黃景昉 晉江

矯太岳之軒龍嘯晉陽之叅虎液汾淫潞跋德水於三門非臺駘實沈之所治而伊祁氏之所振德區者歟稽

祁縣志

卷十四

藝文

九

古帝而食流風必世騰德族况萬禩一開乾闥者 今有聖人宜奮尺水注響歸昌若大方伯戴中齋公厥仲之興以際實儕凱元之十六仲舉孝廉距公之捐賓客東杓已十六指仲之對南宮成名進士距公掩玉東杓又二十四指生堯鄉而出事 堯主臣服伊始廼重念子事未終將乞假展夜臺卽余誥曰先子草宿矣封如禮爰有馬鬣樹如禮爰有松楸其封度式位其樹數式命亦如周家人典制李太泌之垂銘在室文西極表其介事以行然皆卧石也則歸然勒立石也敢以先生請



余既諱若先懿又不敢格孝子不朽其甫之意謹冒銘  
表之概於講幄退食私寸晷而名頴主曰公代人也諱  
光啟字仲升七世祖成忠始移家祁迄父賓以大名別  
駕階奉訓爲鄉祀賢丈夫三子咸出許安人季卽公也  
公卅而慧目光駛羣書行文則風生五指奉訓奇之以  
爲繞日十匝壓玉千蹄者矣幼失慈哀踊若成人弱冠  
翹聲半宮冠軍輒手擷遊於楊郭二先生其嗜學不異  
經臺董薛也登甲子辛未兩科子時乎髦落八月之焰  
廷議用甲榜控之兼采才識鄭重不輕開邊釁者得公

以出令會寧山荒隴口漠暗雲魂豈文密可持也公至  
刷支費截蔓徭捐羨給郵呼索不及於哀鴻賦如畝無  
額外淫也而東閩之女城約版不勞遂擁隱笳之玉堞  
綠林偃隣邑擒其魁戮之卽本邑窟逋逃之桃花山亦  
爲一掃各駭去草雉禽徧不煩將吏曲周王司馬大閱  
邊令特剡公爲戡定才而邑人威之至名可止兒啼生  
酌祠蓋鑰者百里睥睨殆萬餘里已 名人初給事工  
垣其勁氣拔不周之風疏請以臬長典數馬泊典筦符  
獸惟納旣自禮刑左右晉掌兵諫其間議詔肯議撫軍



臣議修問刑條例議中貴不應擅營騎議勲劉誠意世  
延廢復辯謝之失當皆忠直中 上意大弊吏例有大  
班糾劾公颺言聲振萬石鍾 上爲聳聽問左右而腹  
其名它日直經筵而屢勤 天顧固極稱殷遇也封永  
和王甫繳節卽部行關以西三閩塞而八條事江陵輔  
臣石其才寔心折之而申文定總試禮闈庚以公所進  
甚得士外內武文何其胸萬介兵而復眼雙秋水也捐  
怙脫經再主刑垣以序遂出公叅政河北時藩臬乏人  
公入手數篆無指多視亂之虞而理衆絲若一殊甚楚

祁縣志

卷十四

藝文

三

楚年不實公畫賑以生萬死人會建藩於潞以大役動  
大衆將無屬公弗一民之勾懸錢名工邸落成而不騷  
牖樞真至德可以飲食者乎晉觀察治兵西夏抗祁連  
於其腦穴而隻臂莫拄者三面環衝且塞下皆健兒善  
譁不善附一宿不飽坐者競起而公日椎饗投石超距  
士爭爲可用肆督府梅公倚輕重市以警敵至要賞而  
中變敵且讐華人公策之三敵果出中策及裨將暗事  
幾敗市公趣大將亟鼓前奪其息敵竟亡去督撫下汰  
食之令衆以鄉大夫之豪者殺其腹羣起足相躡將脫



兜鍪呼其門公覘得情急召致之曰余柄餉餉失恒額  
惟余咎弗恒額而溢是涎若輩謂吾劍不利耶衆頭地  
崩接極謝無敢異乃遣去夫天剗昂畢必有鉅人爲不  
鍵之玉門邊烽戍火半壁連于百城方方公於范龍圖  
辟歷西夏而媚公者讓公之曩入春闈注私相子直緣  
介甫舉秀而南宮爲和露倚雲之栽種獨許文穆廷直  
之以明其不私且公作令時分閱秦闈雋六士而皆麟  
之翹者肆飛言不翼也量移中原右岳邠人復牽臺臣  
撫公曩事或曰是烏可無辯公曰蠻觸非所爲也掉頭

賦歸去堅以廿餘年分萍聚葉之賢冠而掛之松風雀  
夢之間築適自園日遊讌所知每曠然得句自成幽致  
誅祁荒而建六匡之閣以俎文昌置書院於半璜之右  
爲學廡起頽於是祁士倍夙昔城之南有壽莊公自爲  
兆且移先城瀕之曰一徑露霜將長與先人共寒食也  
路謝金微矣而軍國大計常隱隱縈襟耳西夏警至曰  
是固一檄可以定哮拜耳海上訶曰購倭匪畧勤遠亦  
左謀其維持社稷深心無壘出處蓋數十年如一日也  
居無病以哭其伯子太創竟假蛻行行頃猶喃喃臣事



君以忠制莠謂孺爾就木約公平生其器闕以深其才  
練以達其應事過物不實賓小節而嚴於大閑愛其伯  
氏義推督亢之田而親族待舉火者不減晏大夫之數  
斗家馭惡如冰雪能化卽不復問馭謗如風颺過身而  
不可留痛絕請謁而遇地方利弊復耻作磨堯堅誠諸  
子往往語逼古人雖以厥仲之瑞比鳳麀仍不忘引舌  
相索也以萬歷之四十有一年卒崇正四年耐其程孺  
人蒞合葬焉傳曰葬者藏也雖然蒙叟之欲德烏鳶怪  
弗經而珠含玉斂錮金以封非固也聞之正有德邱衣

寇亦壽何藏之弗深但所思者藏骨而不藏名牡山牝  
谷歲久變遷而老樹來風路人指點曰聞某公之生也  
處家克大其家若此宜家之世不祧居鄉克賢於其鄉  
若此宜鄉有社祀立朝克入忠一人出沐浴萬黔首若  
此宜隨在有名宦祠茲隆然者其公與其元配之萬年  
室聊則公雖藏而使公不能藏其德之在人心名之在  
人口者真勾吳題札介山書郭視首淚羊古今一嘆慕  
不獨不可磨者爲黃子之一片神道碑也銘曰  
天道回環浪息波澄五十年間復思江陵彼相也才大



車寔乘凡所樵獵悉爲薪蒸矯矯載公聲宏翦美夜直  
鑿坡朝請諫紙代藩節過秦塞車止竦立班心如果中  
李翹材之館孰念平津將安將樂公轉厥人於人匪疎  
於相匪親幻榮浮譽總屬灰塵惟有貞心蹈遐愈馥澤  
湛鄉邦道尊巖谷如千仞姿如萬間屋神之聽之介爾  
景福穀也食子茲語非誣鬱彼璿源是產靈珠仍求彩  
筆高表黃墟不朽之託亦楚大夫晉楚何擇曰惟公志  
曾叅薦棗屈到思芟不鄙閩音碑及巖巖萬有千春罔  
敢失墜

祁縣志

卷十四

藝文

三

雄令孺人范氏墓誌銘

文翔鳳 三木

范孺人門人許雄縣台儁配合台儁祁人字六符六符試  
冠共輦孺人歸歸三日而文師促遊河汾書院比晉陽  
六符念新婦安能閨遽后王之則舅璋耶許蓋事世父  
母范卽善事世父母世父母語人孝姒姊亦云許生勸  
遊還則厥蚤有婦也生還以數日世父病告大漸至捐  
客范喪世父如儀禮經傳陰叶度閨人間譽甚弟若女  
弟之嫌緇帛五兩之御將則脫珥奩左成禮弟若女弟  
之不年則又手其呱呱者而子之其呱呱兒今兩生也哀



衮青子家矣其孺人其孺人許生善清貧然賓至必授  
凡則孺人能爲不時需也蓋庶幾時聞珊珊佩其旣賢能  
書則誠之無通邑令長公儒先圭竇奈何以訟庭代食  
耶六符遊爲洪洞師洪洞士藪以禮宗母百士尚譁若  
衿婦慙皇帝元文子柄晉學是歲比士鄉秦御史聘詩  
房晉晉御史石首劉以問文子九十四璜之長其以孝  
廉隱者蓋三十有幾人而文子比之以觀藝則心善許  
云往哉其若諧矣文子夏五自汾如平陽過洪洞謂馬  
令今通政鳴世許生者吾命之房吾省詩也可令墨裝

祁縣志

卷十四

藝文

五

且益力令曰此君不負先生舉者也昨陝收洪洞弟子  
員未以導入璜許有新命弟子遲遲贄令亦促之使亟  
泣可納贄許爲恫故迂期不至茲亦足以概矣陽曲李  
令今御史元前祁令亦云許師忱贊人也文子旣定平  
山之陽士洪洞則第一今御史劉令譽問許師劉生業  
奚如曰前御史觀風弁前文師亦弁先生之於士若面  
命之也馬令與臨汾劉令今御史四端語如許文子蓋  
九旬巡遂畢全晉之案以六月還晉臺則御史今中丞  
大名郭公新代至七月杪方伯今大司空南公語文子



郭公之檄吾省聘者許教官台儁也文子曰我所定以呈劉劉蓋案之以待郭者也南公曰子奚不李薦而以教官曰我長教問以教典之官可應以李耶然許生且得人此吾所弁之三十幾人之比藝獲者必不左許生入關闈得六士其冠房以涇陽馬御輦元御馬生遂冠其榜關闈之第一人少者則先夫子年十九太宗伯王衷白先年二十李空同先生年二十一大京兆呂定原先生年二十二其次則馬生稱少儁六符還以所錄士行卷呈晉臺文子則坐之勞之曰子乃能變我關闈旣

衰士曰弟子之不耐關士習太平平也秦材寧殫是亦取其得夫子之調者二三子而已矣癸亥甲子之間文子在南勲卿其門朱給事國棟令蕪湖費以弟子禮命之曰漢人受業稱弟子弟子之弟子門人也其少者門童子於許吾門人也乃又弟子乎又四年戊辰其門劉恩縣含輝亦成進士而文子避寇長安其門李昌齡仁徵亦稱弟子李生馮學大蹈禮文子爲作直方大母傳明年己巳元御亦避寇遷單文子文子之獲收其士以才參矣其獲元御旦夕問字過以爲賢於千萬人之不



同堂越天一方者而六符亦自洪洞令雄縣其婦皆久之覃命孺人雄縣迫都門劇東郵之駉文子初令東海過天雄嘗登其林令堂諳其俗蓋貂寺之所叢也雄有先夫子門人郭吏部教之以少小諳其俗艱於治而六符至則節貂寺之不律登其城曰茲不足盜當安屏敵則大城雄不病一夫一縉之騷而樽節以層其堞耳者如霞也稱雄城當已已敵薄都其前騎塵近都縣令擐甲而據其完城以堵變野清而壁堅矣城中人至自捫其頸不知有無戴令欲歸家人其婦不忍去曰生死數

吾寧於夫子使夫子獨當敵耶蓋生之四十有九年而乃始母國人以禮宗母諸顯士宜自貴尚謹若矜婦如初俄告病命蘭浴撤浴而以正斃一子三息之先薑露朝也環臍有庶兒全城烏夜啼至拂曉國人良異之比於鵬其諸姬至逾年尚雪涕懷南樛之逮孺人哉雄令不宜貂寺人公論重許令以子秦秦方有漢南之証予西鄉西鄉君過秦謁文子以十陘之長襄遂因馬生請久孺人以載石則狀其冬又拼自西鄉因元御請也未卽應明陘上日久拼自西云令有十日之暈如趙簡鈞



天之既蘇蘇則曰得夫子以銘吾內蚤授一日之覽觀是還丹我矣文子感之以一夕論次則歎曰吾道之於許馬擬三世於說詩矣卽元御之娶尚能贊文子之苦操於閨誦賢於此女不識孟子萬文子之銘其門人之閨不越也銘曰祁冀天雄冀尚厥地建亘其嗣人勳爰呂曲極雷元士第次其交蹤爲碩紀天不崩

孺人戴母程氏墓誌銘

張鳳翼 爲門

程孺人者祁邑戴孝廉之母故方伯中齋公元配也當中齋公捐館時孺人已七袞矣泣血撫膺幾經痛絕緣

祁縣志

卷十四 藝文

三

諸子姓呱呱相向強起視事者復十有八年今考終於崇正辛未之四月啟方伯之壙而合葬焉禮也其子孝廉持頡太守狀匍匐數百里請銘於余余旣不斐于文而病廢以來復奄然床簀亦何能搦管爲孺人志不朽然與中齋公有兩地維桑之雅而且夙企孝廉之賢母氏徽音耳之稔矣抑何能不効一言於墓石按狀孺人姓程氏於祁爲望族世有隱德父天喜以文學起家登里選高第學者稱爲西溪先生有女子四孺人其仲也生而婉孌貞靜舉止不凡西溪公嘗謂其家人曰此女



有異質他日必偶乘龍之婿當画屏以待時方伯公爲  
博士弟子聲稱藉甚會問名納采遂許嬪焉子歸時才  
十三耳搯摻女手若不習婦事而孺人固內則優嫺也  
家室蘋蘩悉以身任凡潭湯醜面紉歲請補綴一稟于  
儀又推先世腴由以贍伯氏故人稱方伯公之孝友者  
必曰內德茂云方伯公旣攻苦下帷孺人復篝燈佐讀  
軋札呶唔聲相伴嘗達丙夜不休方伯領鄉書取甲第  
鷄鳴之儆居多也嗣是宦轍所經則又時操彤管雖內  
言不出於閫而珩璜報勵往往裨素絲于退食之餘故

縣志

卷十四

藝文

无

方伯公歷官而稱名令尹名諫議名藩岳中壺之助也  
當公爲給舍時嘗迎養太翁于京邸適奉有巡閱邊關  
之命孺人晨昏定省問視有加泊寢疾則又手調湯藥  
曲進滌滷卽躬浣厠踰無難色久之不諱輒擗踊呼天  
曰何遽奪吾舅致鞅掌者嬛嬛哉遂扶襯西歸喪葬之  
儀情文備摯方伯公不至哀毀逾經孺人寬之者至也  
初公考最洎再遇覃恩孺人凡受兩封亦禁貴重矣而  
推布操作如故及稱未亡人猶服勤不怠而敦崇儉樸  
常服率至數澣冠婚喪祭費各有經雖米鹽凌襪之微



無少屑越至樂善好施則不難創儲以應故亡論嫻族  
賴以舉火義漿義粥之所暨環邠百里內載澤無窮若  
夫官觀津梁又在在爲檀越也孺人慈和端謹治家嚴  
而有法嘗誡諸子姓毋驕毋惰毋侈泰失身又曰若輩  
不成名我無以見乃公于地下肆今或廩于庠或升于  
監或舉于鄉其宅崢嶸頭角固未有艾也狀稱孺人具  
四美謂孝親教子相夫惇族余以爲更備三難封號之  
榮子孫之盛壽考之祺蓋未易數數見也今於崇正四  
年四月十六日告卒距生嘉靖二十三年八月二十四

邠縣志

卷十四

藝文

三

日享年八十有八子男三長濬昌縣學生卒娶祭酒閻  
公樸孫女次運昌卽孝廉娶淳化尹郭公儒孫女次沛  
昌太學生卒娶御史陳公功女繼三老權三省女女一  
適京兆田公疇子太學生慶年孫男六廷構恩貢生娶  
太學生陳心鑑女繼庠生孔論女廷梅邑庠生娶三老  
渠通洛女濬昌出也廷桓縣學生娶三老任世廉女廷  
栻聘庠生文世顯女運昌出也廷梓娶別駕續孟陽孫  
女廷枸娶武舉王夢龍女沛昌出也孫女三運昌出者  
適布政使馬公朝陽子庠生禹中沛昌出者一適太學



生陳奏堂一適寧化府儀賓程知務子振奇曾孫另三  
稱出者爲燭聘孝廉王中興女桓出者爲吳桐出者爲  
蕭曾孫女三出于桓者二一字庠生李而洵子出于桓  
者一俱幼茲以本年閏十一月初三日附孺人于方伯  
公之新阡順生死安榮哀備舉若孺人者可以無憾已  
敬撮其大者而爲之銘銘曰  
結禱而爲淑女奉筐而爲孝婦徹鷄鳴而爲令妻和熊  
丸而爲賢母內德以貞何福不受宜爾子孫振振兮克  
昌厥後於戲孺人阡爲弗朽

祁縣志

卷十四

藝文

三

文學戴澹昌墓誌銘

李成名 御史

建余遊澹源詹公之門得友昭餘戴公伯仲兩公垂髫  
共學比於同氣同心余成進士出仕二十餘年仲公乃  
第南宮而伯公偃蹇不遇遊道山亦已久矣追思曩人  
邈不可得而感慨係之仲公書公行事千百言乞余誌  
墓余知公稔公雖卒終不忍其懿行遂泯泯也誌安可  
辭按狀公名澹何如其別號也國初有成忠者自代郡  
徙祁是爲始祖四傳至文子文子緣緣生子巡檢公禮  
公禮子賓以大名別駕晉階奉訓大夫再傳而至中州



方伯贈通奉大夫光啟則公父贈夫人程氏則公母也  
公生而不凡性情篤至雍雍然和好近人與之交者如  
坐春風中讀書適自園一洞中洞上爲小徑方伯公往  
來其間每聞輿聲至人窺之見其直也一言一行必請  
命於父母母病衣不解帶者三越月許以身代公後得  
疾將革口猶不言病恐傷父母心其孝敬有如此方伯  
有三子公居長兄弟旣翁無間晨昏俱以文藝相切劘  
而兩弟忽病病且劇公輟席護之視膳視衣以代父母  
而無見於色人皆難之其友愛有如此學宮圯出資整

之文昌閣毀出資建之貧者賑濟病者訓護亡者周給  
人有言有伯子而世無困人其仁慈有如此至其爲學  
於書無不博覽讀經則先大義讀史則先治體讀百家  
則先典要棘闈兩經入彀而不果己酉擬正魁填榜之  
夕總裁覓一私人不得悉罷所擬遺墨爲一時傳誦乃  
負經術又如此使天假公以年而得遇於世其成就當  
何如者而竟止於是豈非命哉公卒萬歷四十一年十  
一月二十七日距生嘉靖四十三年十二月十三日年  
四十有九娶閻氏祭酒公樸孫女再繼則朱氏李氏子



男二長廷桷舉人娶陳氏繼孔氏次廷梅貢士娶渠氏  
孫男四上舉人娶孝廉王中興女綸府庠生娶進士張  
暉妹詔娶韓氏俱桷出紳庠生娶王氏梅出曾孫男二  
宸上出宦綸出皆幼嗚呼公可謂有後矣是可以銘矣  
銘曰所不逢者時也所不達者身也而所不朽者名也  
令德及遠發祥有自文學經濟於焉傳也大哉斯邱爲  
無盡藏也

西鄉令穉觀許公墓誌銘

劉含輝 耀州

先生姓許諱台儁字六符穉觀其別號也先世爲河南

祁縣志

卷十四

藝文

三

靈寶縣人始祖仲義僑晉冀寧之祁縣洪武間遂定籍  
焉八世祖思舜是爲先生大父思舜生嘉賓乙酉舉武  
闈次嘉賢先生父也淹博儒雅艱一第餽廩終身識者  
惜之娶李氏生丈夫子二先生其長也髫齡輒古人自  
命數萬言目過卽成誦十四而怙恃感疾卧床蓐先生  
侍藥餌不解帶者累月顙天求身代竟大漸距五十日  
兩親相繼見背世父亦卒總角鷄骨支床哀毀苦次出無  
怡容君子謂先生於是乎知禮無何回祿肆焰先人暨  
茨丹蘄盡於一炬家徒四壁立先生詠歌不輟晏如也



十七補博士弟子員試藝嘗爲豪華者竊改衡文者摘  
伏抵辜繇是學益力小軒橫經兀坐匡床熒熒藜火不  
宵分不休也試冠曹偶督學器之命遊河汾書院萬歷  
丙午薦棘闈上春官試從楚人鍾仲敬遊仲敬負藝壇  
聲藉藉海內無多許可乃獨心折先生數奇不偶乃杜  
門下帷雲龍閣課邑髦士三十餘人剔蠹訂豕無朝夕  
暇後先以雋去者多出其門初諭洪洞時文宗歲試竣  
子衿例宜以旆帛贄邑令促之遊先生故遲遲紆期不  
赴曰余秉鐸而師表弟子奈何以廣文首藉藪苞苴耶  
迨學宮束脩儀畢始策馬平水之陽鼎立文社因其邑  
爲子野故地遂以正五弁社名取六律五音義也辛酉  
秋秦省直指姚先生聘葩經房於晉三水文太青先生  
實督晉學遂以先生甲諸孝廉命分校秦闈得六士其  
榜元則涇陽馬元御御輦以文章牛耳莩林海內知名  
士多宗之次則富平朱西崑國棟張懷陸橘高陵吳賓  
於觀光咸寧李仁徵昌齡及余不佞璞玉含輝時嘖嘖  
頌先生知人今上元歲秋杪先生分邑符宰雄縣清苦  
矢諸神明愛民視諸子嫉邪視諸仇舞文逞智者咸昨



舌退避下車循聲蜚四野講堂教士甲乙品題匪怒伊  
教充體郵麥生不憚捐俸以給薪米佐咕嘩天雄爲朝  
宗孔道星輅宵且不輟長吏苦之先生節省差繇每年  
得工料羨錢三千盡以之創修公廨邑人罔不稱快者  
高城浚隍垣堦較昔加厚三尺巍然雉堞有金湯之固  
焉厥後有警易水燕山在在震號而雄獨繕葺無恙史  
氏陳明卿仁錫勒碑紀厥伐修理橋梁曲飲長虹築補  
隄防高落漢鴈表揚往哲煥新古蹟墾荒田四百餘頃  
俾發禳之子頓田沃壤屯院李含真元特薦其徵收無

祁縣志

卷十四

藝文

三

羨耗無加派一切陵工米豆硝鉛諸類每奉文密令長  
鬻之夫預辦不以煩蚩蚩氓部文注上考天下第一每  
對知己言那借實侵漁之別名調停卽廢弛之故態當  
事者以爲名論乃筮仕時以舊令透支銀若干申報各  
院遂爲豪有力者下石誣以多收耗銀註白簡下部查  
覆士民數萬人伏闕上疏願借寇以雄密邇神京非慈  
惠之長孰堪生我賴今上神明廉訪其詳下特旨降級  
照舊管事不數日溫旨復下云降級原示薄懲倘能感  
恩圖報應從原職優擢以彰不測殊恩前後疏凡十五



上旨八下始獲復原官倘非撫字心勞催科德普足以格豚魚貫金石胡能以區區銅墨吏邀聖天子九重鑒注乎三載考績上其卓行於天子天子庸之賜以緇金銀玉之函贈乃父母官如已官而復爲忌嫉者中傷尋改吾秦之西鄉北至漢中徵糧卹民護城一一如前造士衡文壽以梨棗更若過之性直遂清介每遇掣肘事不能曲徇鬱鬱不得志未幾中痰壅遂決意賦彭澤歸去辭矣抵家日行李蕭然菜蕪之貧不啻也然毫不以溫涼芥蒂對知道故把臂開樽意甚適已嫺威中有健

祁縣志

卷十四

藝文

三

訟者數月相持片言讐服之立解葺一廛顏曰近聖居課子姓咿唔其中至衰白無倦容丁丑而疾始革十月二十七日則先生易簀之期也得壽五十有八所著有雲龍閣文稿遺失無存生平應事接物洞如觀火詳究始終籌度利弊懸揣悉合符敦倫篤誼得之天性當其痛廢蓼莪時二女第一弟呱泣相向幾不能成立先生撫育之愛勞備至擇配訓業內外無間言及乃弟卽世仍留二孤提命而衣冠之永不另爨卽妻被不多讓焉嫺友待而舉火者踵接也晚年德益邵書對聯於座右



以自警曰希聖希賢作宇內第一流人物惟忠惟孝扶  
世間億萬載綱常五倫中乾乾淨淨沒一毫欠帳便是  
聖賢百年內齷齪齷齪有些些子醜名不如乞丐捧誦格  
言進德居業概可見已先生逝而其塔孝廉李君而洵  
綜述懿行服官之大者求余紀幽宮之竈石念余不佞  
辱在先生門士其烏敢辭但先生官不踰一令年未登  
六秩宗族稱其孝友里閭景其任卹豐德而儉於遇爲  
可惋惜耳竊憶侍先生聆茲論睨視嶙峋七尺軒軒如  
朝霞舉丰骨矯矯如雲中鶴談論謾謾如松下風雙眸

炯炯如岩下電儀貌俊偉一望如汝陽王璉天人也胸  
中磊砢以酒銷之每飲一石不醉求其稍沈湎冀見如  
所謂玉山之將頽了不可得至於宏模大度吞雲夢八  
九不留纖芥然則彼含沙射影者奪先生以尺圭寸組  
實予先生以千秋令名矣元配師母范孺人克嫻女德  
先卒於雄縣署詳在文太青先生志及余同門馬元御  
狀中繼李氏王氏胡氏咸德儷俱先卒男子一子宣娶  
順天府尹田疇孫女女一適丙子孝廉李而洵卽今持  
狀請銘者也銘曰遇蹇矣厥德則豐守拙矣厥文則工



太霍太行隆崇有道浩氣摩穹手持巨斧闢濛陶鑄英  
髦洪洞起衰八代門中歐蘇沆瀣六龍循蹟漢陽天雄  
靈以女士德朋帝錫鸞章熊熊金石泐名弗訖

國朝

黃梅縣知縣張公墓誌銘

鄭恂御史

祁邑張君壽菴乙丑科名甲第也余忝得同榜講兄弟  
心好歡甚繼而公補黃梅而余得量移山右訪其里居  
鄉人稱公懿行有古君子風歲己卯余分校晉闈公之  
嗣君實爲余門下士文章道義知公之開導不淺也及

祁縣志

卷十四

藝文

三

余擢居臺省適張門人春闈報捷方待館選以窺天祿  
石渠之藏而公溘然逝矣張門人因泣別余去越三月  
將謀葬公於新阡寄狀請余銘余以世好誼不容辭按  
狀公諱雲松字壽菴別號大林其曾大父諱文選登明  
朝武科大父諱維父諱登殿世有隱德皆不仕以卒父  
卒之日公之生甫六歲嶄然見頭角衆謂張氏有子矣  
稍長能文於書無所不讀年弱冠餼於庠督學徐公延  
諸幕命子弟執經問難於其前文名遂大震家世清貧  
疏水之費常不給公漠然不以介意而性以文學起家



爲已任日夜攻苦與孺人紡績相伴常其一燈燈滅膏  
油不繼則暗誦之如是者十年壬子遂領鄉薦壬戌捷  
南宮所居祁之北左里有以橫逆待公者公不與校徒  
居城中然猶篤念梓誼不置也值歲饑里人嗷嗷待哺  
朝不慮夕公捐餼粥之資賑之得無恙縣公有好義式  
瞻之扁旌其門及丁丑又饑時公已任黃梅矣又捐俸  
賑之所全活者無筭縣公有博濟爲懷之扁旌其門凡  
此皆公之厚德渥及於族黨交遊者也其官於梅也甫  
下車孜孜以教化爲先務設義學四十餘所教民間子

弟梅邑科第寥落經公振作聯翩不絕至於潔已奉公  
省刑薄斂惠之所及有在一時者有在數十年者有在  
百年百世者年大中丞方以循卓薦公公適抱病遂不  
果後銓部主政缺出簡命咨取公而胥吏以小故中  
之又不果公慨然曰年踰六旬而有所不得行其志碌  
碌薄書何所底止乎因致仕歸去之日紳衿士民奔走  
相告如失慈母旣爲惠政編以紀其績而又以公所建  
課士書院設位以爲公祠魏莊渠先生有言曰仕官而  
能廟食百世者惟守與令信哉公生於崇正戊寅年正



月二十三日卒康熙丙戌年三月二十七日享年六十  
有九娶張氏有賢行先公卒生子二長翰元增監生娶  
馮氏早世次調元己卯科舉人丙戌科進士娶郝氏王  
氏女二長適庠生鄭紹武次適翰林院庶吉士鄭爲龍  
孫男一道隆翰元出孫女七其六翰元出其一調元出  
以本年十月初一日葬公於縣東三汲村之南與孺人  
耐合焉銘曰嗟哉厥初淡泊自矢好古敏求左圖右史  
施於有政慈祥愷悌道賴以行民懷其惠老而致仕棄  
若敝蹠有子能賢世濟其美